

## II. ERANSKINA

ADMINISTRAZIO AGIRIA, **LEHEN HEZKUNTZAKO** IKASTETXE ITUNDU BATEKIN  
SEI URTERAKO HEZKUNTZA ITUNA FORMALIZATZEKO  
(.../2021 Ebazpena, .....aren ...(e)koa, Hezkuntza Baliabideen zuzendari nagusiak  
emana)

Iruñean, bi mila eta hogeita bateko                      aren                      (e)an.

### ALDE BATETIK:

Begoña Unzué Vela andrea, Hezkuntza Baliabideen zuzendari nagusia.

### BESTE ALDETIK:

..... jauna/andrea

honako hau den aldetik:

titularra     legezko ordezkaria

ondoan adierazten diren identifikazio datuak dituen ikastetxean:

- a) Titulartasuna:
- b) Identifikazio fiskaleko zenbakia:
- c) Berriazko izena:
- d) Kodea:
- e) Helbidea:
- f) Herria:
- g) Udalerria:
- h) Baimena (adierazi administrazio xedapena eta Estatuko Aldizkari Ofizialean edo Nafarroako Aldizkari Ofizialean noiz argitaratu zen):

Abenduaren 14ko 416/1992 Foru Dekretuaren bitartez onetsi zen Hezkuntza Itunei buruzko Arauen Erregelamendua. Foru dekretu horretako 3.2 eta 25. artikuluetan xedatutakoaren arabera eta aipatutako ikastetxearen hezkuntza ituna izenpetzea onesten duen ..... Ebazpenean xedatutakoari jarraikiz.

Doakotzat hartutako irakaskuntzak emateko, hezkuntzaren zerbitzu publikoa Hezkuntzari buruzko maiatzaren 3ko 2/2006 Lege Organikoak aurreikusten duen moduan ematearren,

### **HONAKO HAU HITZARTZEN DUTE**

Hezkuntza ituna sinatzea/berritzea ondoko klausulei jarraikiz:

**Lehena.-** Hezkuntza itun hau izenpetzen duen ikastetxe pribatua itunaren ondoriozko obligazioen mende jartzen da eta haiek bereganatzen ditu hurrengoetan ezarritako terminoetan:

- 8/1985 Lege Organikoa, uztailaren 3koa, Hezkuntzarako Eskubidea arautzen duena;
- 2/2006 Lege Organikoa, maiatzaren 3koa, Hezkuntzari buruzkoa;
- 11/1998 Foru Legea, uztailaren 3koa, Batxilergoa, erdi mailako heziketa zikloak eta gizarte garantiako programak irakasten dituzten gizarte ekimeneko ikastetxeen finantzaketa publikoa arautzen duena;
- 2377/1985 Errege Dekretua, abenduaren 18koa, Hezkuntza Itunei buruzko Oinarrizko Arauen Erregelamendua onesten duena;
- 416/1992 Foru Dekretua, abenduaren 14koa, Hezkuntza Itunei buruzko Arauen Erregelamendua onesten duena;
- honako administrazio-agiri hau.

**Bigarrena.-** Lehen Hezkuntzako ituna onesten duen ..../2021 Ebazpenean ezarri bezala, honako unitate hauek jartzen dira itunpean:

eskola unitate, Lehen Hezkuntzakoak, " " hizkuntza ereduan, 2021-2022 ikasturtetik aurrera.

Aipatutako unitate kopurua aldatu egin daiteke itunak indarra duen bitartean, Hezkuntza Itunei buruzko Arauen Erregelamenduaren 46. artikuluan ezarritakoaren arabera.

**Hirugarrena.-** Hezkuntzari buruzko maiatzaren 3ko 2/2006 Lege Organikoaren 116.3 artikuluan xedatutakoari jarraikiz, itun honek sei urteko iraupena izanen du, 2021-2022 ikasturtearen hasieratik aitzina.

**Laugarrena.-** Administrazioa beharturik dago ikastetxe itundua sostengatzeko funts publikoak esleitzera, Hezkuntza Itunei buruzko Arauen Erregelamenduaren 12., 13. eta 34. artikuluetan eta, bestela, laugarren xedapen gehigarrian ezarritakoari jarraikiz. Aipatu funts horien zenbatekoa Nafarroako Aurrekontu Orokorrei buruzko Foru Legean aurreikusitakoaren arabera zehaztuko da

Hezkuntza Administrazioak irakasleen soldatak ordainduko ditu, ikastetxearen entitate titularraren izenean eginen den ordainketa delegatuaren bidez. Ordainketa delegatu horrek, hala ere, ez du inolako lan-harremanik sortuko Hezkuntza Departamentuaren eta aipatu irakasleen artean, Hezkuntzari buruzko maiatzaren 3ko 2/2006 Lege Organikoaren 117. artikuluekin bat.

**Bosgarrena.-** 8/1985 Lege Organikoaren 51. artikuluan eta abenduaren 14ko 416/1992 Foru Dekretuaren 14.ean xedatutakoaren arabera, ikastetxe itunduaren titularra beharturik dago itunaren helburu diren ikasketak ematera, honela

- Dohainik, irakaskuntza horiek emateagatik, ez zuzenean ez zeharka, diru ordainik dakarren kontzepturik bat ere hartu gabe.

- Kasuan kasuko programei eta ikasketa planei jarraikiz eta ikasketak antolatzeko indarra duten araei loturik.

**Seigarrena.-** Halaber, ikastetxearen titularra beharturik dago ikastetxean burutzen diren eskola jarduera osagarriak, eskolaz kanpoko ekintzak eta eskola zerbitzuak Hezkuntza Itunei buruzko Arauen Erregelamenduko 15. artikuluan eta Nafarroako Gobernuak Hezkuntza Departamentuarekin ituna sinatzen duten ikastetxeen eskola jarduera osagarriak, eskolaz kanpoko ekintzak eta eskola zerbitzuak arautzen dituen uztailaren 2ko 146/2002 Foru Dekretuan xedatutakoari egokitzea, baita Hezkuntza Departamentuak aipatu legeko xedapenak garatzeko ezartzen duenari ere

**Zazpigarrena.-** Ikastetxe itunduetako irakasleen jarduera guztiak, irakastorduetakoak eta osagarriak, Administrazioak ordainketa eskuordetu bezala ordaindutakoak, itun bakoitzaren xede den irakaskuntza mailan emanen dira

**Zortzigarrena.-** Itun honen ondorioz, ikastetxearen titularra beharturik dago ikasleak onartzeko honako hauetan ezartzen diren arauak betetzera: Hezkuntzari buruzko maiatzaren 3ko 2/2006 Lege Organikoaren II. tituluko III. kapitulua, unibertsitatez kanpoko ikasketak ematen dituzten Nafarroako Foru Komunitateko ikastetxe publikoetan eta itundutako ikastetxe pribatuetan ikasleak onartzeko arauak ezartzen dituen apirilaren 2ko 31/2007 Foru Dekretua, edo arau horiek etorkizunean ordeztuko dituztenak

**Bederatzigarrena.-** Ikastetxe itunduaren titularra beharturik dago Hezkuntzarako Eskubidea arautzen duen Lege Organikoaren 54. artikulua eta Hezkuntza Itunei buruzko Arauen Erregelamenduaren 26. artikulua aipatzen dituzten gobernu organoak edukitzera. Organo horiek indarra duen araudiari jarraikiz eratu eta berrituko dira eta halaberean erabiliko dituzte beren eskumenak.

**Hamargarrena.-** Ikastetxe itunduan hutsik gelditzen diren irakasle lanpostuak Hezkuntzarako Eskubidea arautzen duen Lege Organikoaren 60. artikuluan eta Hezkuntza Itunei buruzko Arauen Erregelamenduaren 26.3 artikuluan xedatutakoaren arabera hornituko dira.

**Hamaikagarrena.-** Itun honen ondorioz, ikastetxearen titularra beharturik dago Lehen Hezkuntzarako ituntzen den unitate kopuru bera jardunean mantentzera, baita, gutxienez, Hezkuntzako zuzendari nagusiaren ebazpenean ikasle/itundutako unitate bakoitzeko ezarrita dagoen batez besteko erlazioa mantentzera ere, Hezkuntza Itunei buruzko Arauen Erregelamenduaren 16. eta 46. artikuluetan aurreikusitakoari jarraikiz.

Ikasleen eta itundutako unitatearen arteko batez besteko erlazioa eta jardunean dauden unitateen kopurua txikitzen badira, unitate itunduen kopurua ere txikituko da edo itun hau deuseztatuko da, Hezkuntza Itunei buruzko Arauen Erregelamenduaren 16. artikulua aipatutako betebeharrak betetzeari uzten bazaio.

Ikastetxearen titularrak arestion aipatu gorabeheren berri eman beharko dio Hezkuntza Departamentuari.

**Hamabigarrena.-** Ikastetxe itunduaren titularrak beharrezkoak diren publizitate neurriak hartuko ditu, Hezkuntza Itunei buruzko Arauen Erregelamenduaren 18. artikulua ikastetxe itunduaren izaeraren ezagupenari eta, hala bada, izaera propioari doakionean ezartzen dituen beharkizunak betetzeko.

Era berean, ituna burutzeko beharrezkoak diren neurriak hartuko ditu, hain zuzen ere, Hezkuntza Itunei buruzko Arauen Erregelamenduaren 35. artikulutik 38.era artekoetan ezarritakoak.

**Hamahirugarrena.-** Indarrean dauden xedapenek Nafarroako Gobernuko Ekonomia eta Ogasun Departamentuaren Kontu-hartzaitzari itundua eta, hala behar denean, Hezkuntzako Ikuskapen Zerbitzuari esleitzen dion finantza kontrolaren mende geldituko da ikastetxe itundua. Hezkuntza Itunei buruzko Arauen Erregelamenduaren 41. artikulua xedatzen duen bezala, orobat, Kontuen Ganberak eta Azterlan Ekonomikoen eta Nominen Zerbitzuak ere kontrolatuko dute, Hezkuntzako kontseilariaren ekainaren 20ko 50/2019 Foru Aginduan ezartzen den bezala. Foru agindu horretan honako hauei lotutako araudia garatzen da: "Bestelako gastuak" eta "Langile osagarriak" moduluen justifikazioa, irakasleen hautaketa, eta Nafarroako Foru Komunitateko ikastetxe itunduek Hezkuntza Departamentuari jakinarazi beharreko hezkuntza arloko informazioa.

**Hamalaugarrena.-** Itun hau alda daiteke, Hezkuntza Itunen gaineko Arauen Erregelamenduaren 42. artikulutik 46.era bitarte aurreikusitako terminoetan.

**Hamabosgarrena.-** Aplikatu beharreko araudian aurreikusitakoez gainera, hezkuntza ituna azkentzeko arrazoiak dira:

- a) Iraunaldia amaitzea, ituna berritu edo luzatzea erabakitzen ez bada behintzat.
- b) Bi aldeak ados jarrita, interes publikoko arrazoiek hori egitea galarazten ez badute, behin Eskola Kontseiluak dioena entzun ondoren.
- c) Foru Administrazioak edo ikastetxearen titularrak itunean bere gain hartutako betebeharrak modu astunean ez betetzea.
- d) Zentroaren titularra den pertsona fisikoa hiltzea edo ezgaiturik gelditzea edo titulartasuna bere gain duen pertsona juridikoa azkentzea.
- e) Ebazpen judiziala, ikastetxearen porrota edo ordainketa-etendura deklaratzeko duena.

f) Administrazioak ikastetxeari funtzionamendurako eman zion baimena errebokatzea.

g) Ikastetxeak bere borondatez jarduteari uztea, behar bezala baimendurik.

h) Bere garaian ituna izenpetzeko eskaturiko betebeharretako baten bat ez betetzea.

i) Itunean ezartzen diren bestelako arrazoiak.

**Hamaseigarrena.-** Itun hau aplikatzerakoan sor daitezkeen auziak Hezkuntza Itunei buruzko Arauen Erregelamenduaren 8. artikuluan xedatutakoaren arabera ebatziko dira.

Eta horrela ager dadin, dokumentuaren bi ale sinatzen dituzte, goian aipatutako tokian eta egunean.

IKASTETXE ITUNDUAREN IZENEAN.

HEZKUNTZA DEPARTAMENTUAREN  
IZENEAN.

Stua.:

Stua.:

---

HEZKUNTZA BALIABIDEEN  
ZUZENDARI NAGUSIA